

DIRECCIÓN GENERAL DE POLÍTICA LINGÜÍSTICA
Serviciu de Planificación y Conocimientu de la Llingua Asturiana

PROPUESTA DE RESOLUCIÓN pola que se convoquen los premios en llingua asturiana «Xosefa Xovellanos» de Novela, «Xuan M.^a Acebal» de Poesía, «Máximo Fuertes Acevedo» d'Ensayu, «María Josefa Canellada» de Lliteratura Infantil y Xuvenil y «Alfonso Iglesias» de Cómic.

PROPUESTA DE RESOLUCIÓN

Fomentar la creatividá lliteraria contribúi claramente a desenvolver el conteníu cultural de la sociedá, sobre manera teniendo en cuenta la importancia de la lliteratura, en cualquiera de les tantes manifestaciones como tien, nel nuestru tiempu. Sábase tamién que la escritura, que naz de la voluntá de creación y comunicación, lleva con ella un trabayu personal bien importante, una dedicación de tiempu y esfuerzu que, anque nun se puen medir en términos económicos porque'l valir intrínsecu de la lliteratura tresciende estos parámetros, sí que se puen reconocer ya incentivar polos poderes públicos. Ye por esto que la Conseyería con competencias en materia de política llingüística del Principáu d'Asturies vien convocando añalmente diversos premios lliterarios empobinaos a afitar, arriquecer y prestixar la llingua y cultura asturianas.

Esamináu l'espedito de referencia resulten estos

FECHOS

Primero.- Cola mira de llograr esti oxetivu, por Resolución de la Conseyería de Cultura y Turismu de 5 de marzu del 2009 (BOPA de 27 de marzu del 2009), aprobáronse les bases de los premios en llingua asturiana «Xosefa Xovellanos» de Novela, «Xuan María Acebal» de Poesía, «Máximo Fuertes Acevedo» d'Ensayu, «María Josefa Canellada» de Lliteratura Infantil

GOBIERNO DEL PRINCIPÁU D'ASTURIES

CONSEYERÍA DE CULTURA, POLÍTICA LINGÜÍSTICA Y TURISMU

y Xuvenil y «Alfonso Iglesias» de Cómic, modificaes por Resolución de la Consejería d'Educación, Cultura y Deporte de 23 de xunetu del 2015 (*BOPA* de 30 de xunetu del 2015).

Segundo.- Na Llei del Principáu d'Asturies 6/2021, de 30 d'avientu, de Presupuestos Xenerales pa 2022, contiéense creitu específicu pa estos fines na partida presupuestaria 18.04.422R-482.062, denomináu "Premios lliterarios en llingua asturiana". El Plan Estratéxicu de Subvenciones de la Consejería de Cultura, Política Llingüística y Turismu pal períodu 2020-2022 (aprobáu por Resolución de 18 de febreru de 2020 y publicáu en BOPA'l 27 de febreru del 2020), igual que la primer modificación parcial del Plan Estratéxicu de Subvenciones pal exerciciu 2020-2022 (aprobada por Resolución del 10 de febreru de 2021 y publicada en BOPA'l 26 de febreru del 2021), el segundu cambéu parcial del Plan Estratéxicu de Subvenciones pal exerciciu 2020-2022 (aprobáu por Resolución del 18 de febreru de 2020 y publicáu en BOPA'l 12 d'abril del 2021), el tercer cambéu parcial del Plan Estratéxicu de Subvenciones pal exerciciu 2020-2022 (aprobáu por Resolución del 17 de xunu de 2021 y publicáu en BOPA'l 14 de xunetu del 2021), el cuartu cambéu parcial del Plan Estratéxicu de Subvenciones pal exerciciu 2020-2022 (aprobáu por Resolución del 23 d'avientu de 2021 y publicáu en BOPA'l 7 de xineru del 2022) y el quintu cambéu parcial del Plan Estratéxicu de Subvenciones pal periodu 2020-2022 (aprobáu por Resolución del 18 de febreru de 2022 y publicáu en BOPA'l 1 de marzu del 2022) prevén la convocatoria de los cinco galardones mentaos. Procede entós, nesti momentu, la convocatoria d'estos premios:

- Premiu «Xosefa Xovellanos» de Novela n'asturianu na so edición cuarentena tercera;
- Premiu «Xuan M.^a Acebal» de Poesía n'asturianu na so edición ventésima octava;
- Premiu «Máximo Fuertes Acevedo» d'Ensayu n'asturianu na so edición ventésima octava;
- Premiu «María Josefa Canellada» de Lliteratura Infantil y Xuvenil n'asturianu na so edición quincena; y
- Premiu «Alfonso Iglesias» de Cómic n'asturianu na so edición decimocuarta,

na creyencia, amás, de qu'actuaciones como esta contribúin de forma eficaz a dinamizar l'actividá cultural de la Comunidá Autónoma, y sobre manera un aspectu tan importante de la mesma como ye'l de la creación lliteraria.

A estos fechos son-yos d'aplicación estos

FUNDAMENTOS DE DERECHU

Primero.- L'artículu 3 del Decretu 71/92, de 29 d'ochobre, que regula'l Réxime Xeneral de Subvenciones, en rellación col artículu 38 de la Llei 6/1984, de 5 de xunetu, del Presidente y del Conseyu de Gobiernu; l'artículu 10 del Decretu 13/2019, de 24 de xunetu, del Presidente del Principáu d'Asturies, de Reestructuración de les Conseyerías qu'integren la Comunidá Autónoma, lo mesmo que l'artículu 14 de la Llei 2/1995, de 13 de marzu, sobre Réxime Xurídicu de l'Alministración del Principáu d'Asturies; too ello en cuantes a la determinación de les competencies y facultaes p'adoptar la presente resolución.

Segundo.- D'alcuerdu col artículu 37 de la Llei 2/1995, de 13 de marzu, sobre Réxime Xurídicu de l'Alministración del Principáu d'Asturies, el Decretu 86/2019, de 30 d'agostu, pol que s'establez la estructura orgánica básica de la Conseyería de Cultura, Política Llingüística y Turismu y la Resolución de 10 d'ochobre de 2019, de la Conseyería de Cultura, Política Llingüística y Turismu pola que se deleguen competencies (BOPA del 18 d'ochobre de 2019), ye competencia de la persona titular de la Dirección Xeneral de Política Llingüística l'autorización y disposición de gastos correspondientes a la Dirección Xeneral, hasta'l límite de 18.000 euros, que se financien con cargu al programa presupuestariu xestionáu pola Dirección Xeneral.

Tercero.- Sicasí, por razones d'economía procesal y simplificación de trámites, pue la Ilma. Sra. Conseyera conocer del presente espediente avocando les competencies delegaes n'aplicación del artículu 17 de la Llei 2/1995, de 13 de marzu, sobre Réxime Xurídicu de

GOBIERNU DEL PRINCIPÁU D'ASTURIES

CONSEYERÍA DE CULTURA, POLÍTICA LLINGÜÍSTICA Y TURISMU

l'Alministración del Principáu, al tramitase conxuntamente toles fases del espediente de gastu.

Cuarto.- Ye aplicable lo dispuesto na Llei 38/2003, de 17 de payares, Xeneral de Subvenciones y el Decretu 71/1992, de 29 d'ochobre, sobre Réxime Xeneral de Concesión de Subvenciones.

En virtú de lo espuesto y d'alcuierdu colo previsto nos artículos 8c) y 41 del Testu refundíu del Réxime Económicu y Presupuestariu, aprobáu pol Decretu Llexislativu del Principáu d'Asturies 2/1998, de 25 de xunu, pola presente,

PROPONGO

Primero.- Convocar los siguientes premios:

–«XOSEFA XOVELLANOS» DE NOVELA n'asturianu (edición cuarentena tercera), con una dotación de seis mil euros (6.000 €), pa obres de tema y estructura llibres que seyan inédites, non premiaes n'otros concursos y tengan una estensión mínima de setenta y cinco páxines a doble espaci.

–«XUAN M.^a ACEBAL» DE POESÍA n'asturianu (edición ventésima octava), con una dotación de seis mil euros (6.000 €), pa obres de tema y estructura llibres que seyan inédites, non premiaes n'otros concursos y tengan una estensión mínima de quinientos versos.

–«MÁXIMO FUERTES ACEVEDO» D'ENSAYU n'asturianu (edición ventésima octava), con una dotación de seis mil euros (6.000 €), pa obres de tema y estructura llibres que seyan inédites, non premiaes n'otros concursos y tengan una estensión mínima de cincuenta páxines escrites a doble espaci.

–«MARÍA JOSEFA CANELLADA» DE LLITERATURA INFANTIL Y XUVENIL n'asturianu (edición decimocuarta), con una dotación de seis mil euros (6.000 €), pa obres de lliteratura infantil o xuvenil —con independencia de que seyan noveles, compilaciones de cuentos, poemarios o obres de teatru— mentanto seyan inédites, non premiaes n'otros concursos y

GOBIERNU DEL PRINCIPÁU D'ASTURIES

CONSEYERÍA DE CULTURA, POLÍTICA LINGÜÍSTICA Y TURISMU

tengan una estensión mínima de doscientos cincuenta versos pa poesía y de treinta páxines a doble espaci u pa los otros xéneros.

–«ALFONSO IGLESIAS» DE CÓMIC n'asturianu (edición decimocuarta), con una dotación de seis mil euros (6.000 €), pa obres d'estilu, tratamientu y tema llibres, que puen abarcar el desenvolvimientu d'una historia sola o un conxuntu d'histories (rellacionaes o non ente elles). Pa participar habrá presentase un proyectu inicial con una estensión mínima de quince páxines, teniendo en cuenta que les obres presentaes habrán ser inédites y non premiaes n'otros concursos y que la estensión total de la obra habrá tener un mínimu de 50 páxines.

Segundo.- Avocar pa sí'l conocimientu de los actos delegaos de gastu, autorizando un gastu por importe de treinta mil euros (30.000 €) con cargu a l'aplicación presupuestaria 18.04.422R-482.062 de los Presupuestos Xenerales del Principáu d'Asturies pal añu 2022.

Tercero.- La presente convocatoria ha rexise poles bases reguladores aprobaes por Resolución de 5 de marzu del 2009 (BOPA de 27 de marzu del 2009) de la Conseyería de Cultura y Turismu, modificaes por Resolución de 23 de xunetu del 2015 (BOPA de 30 de xunetu del 2015).

Cuarto.- Presentación d'obres, siti u y plazu.

Les obres han dirixise a la Dirección Xeneral de Política Llingüística de la Conseyería de Cultura, Política Llingüística y Turismu, y van poder presentase a partir del otru día de publicase l'Extractu de la correspondiente convocatoria *nel Boletín Oficial del Principáu d'Asturies*. Conforme a lo dispuesto nes bases d'estos galardones, han presentase nel Rexistru Electrónicu Xeneral de l'Alministración del Principáu d'Asturies nel plazu de trenta díes naturales cuntando dende l'otru día de la publicación del extractu de la presente convocatoria *nel Boletín Oficial del Principáu d'Asturies*. D'alguerdu colo previsto nel artículo 30.5 de la Llei 39/2015, de 2 d'ochobre, del procedimientu Alministrativu Común de les Alministraciones Públiques, cuando l'últimu día del plazu seya inhábil, va entendese prorrogáu al siguiente primer día hábil.

GOBIERNU DEL PRINCIPÁU D'ASTURIES

CONSEYERÍA DE CULTURA, POLÍTICA LLINGÜÍSTICA Y TURISMU

En tolos casos, pa caúna de les obres que participen nos diferentes premios ha presentase'l formulariu de solicitú y dos sobres zarraos nel qu'ha escribise nel so anversu'l nome del Premiu, el títulu de la obra y el seudónimu de quien ostente la so autoría. El formulariu de solicitú alcuéntrase disponible na sede electrónica del Principáu d'Asturies (<https://sede.asturias.es>) Pa localizalu hai que meter el códigu de tramitación de SITE que correspuenda a cada premiu nel buscador de la cabecera (asitiáu na parte superior derecha de la páxina) y yá nel procedimientu, nel apartáu «Documentación relacionada» podrá descargar el formulariu de solicitú.

PREM0011T01 pal Premiu «Xosefa Xovellanos» de Novela

PREM0011T02 pal Premiu «Xuan M.^a Acebal» de Poesía

PREM0011T03 pal Premiu «Máximo Fuertes Acevedo» d'Ensayu

PREM0011T04 pal Premiu «María Josefa Canellada» de Lliteratura Infantil y Xuvenil

PREM0011T05 pal Premiu «Alfonso Iglesias» de Cómic

Caún de los sobres ha contener:

SOBRE A: datos ya identificación del autor/a (fotocopia del DNI, dirección, teléfonu, corréu electrónicu, currículum curtiu) y declaración responsable rellativa a estos estremos: tar al corriente de les sos obligaciones tributaries y de seguridá social, nun ser deudor/a de la Facienda del Principáu d'Asturies por deudes vencíes, líquides y esixibles, subvenciones solicitaes mesmo que les concedíes cola mesma finalidá y si procedió a la xustificación de les subvenciones y ayudes concedíes con anterioridá pola Comunidá Autónoma, mesmo que nun tar incursu nes prohibiciones pa tener la condición de beneficiariu/a, previstes nel artículu 13 de la Llei Xeneral de Subvenciones);

SOBRE B: orixinal de la obra en formatu dixital (PDF y Word) y cinco copies en papel.

Tamién podrá presentarse esta documentación al traviés de cualquiera de los medios establecíos nel artículu 16 de la Llei 39/2015, de 2 d'ochobre, del Procedimientu Alministrativu Común de les Alministraciones Públiques. Si n'usu d'esti derechu la solicitú se

GOBIERNU DEL PRINCIPÁU D'ASTURIES

CONSEYERÍA DE CULTURA, POLÍTICA LINGÜÍSTICA Y TURISMU

remite per corréu, ha presentase en sobre abiertu pa que'l personal de Correos selle y feche la solicitú.

Quinto.- Los premios han concedese d'alcuertu colos principios d'oxetividá, tresparencia, igualdá, non discriminación y publicidá, pel procedimientu de concurrencia competitiva. Con calter previu a la concesión del premiu, la persona beneficiaria habrá apurrir documentación acreitativa de la so personalidá, declaración responsable de nun tar incursu nes prohibiciones previstes nel artículu 13 de la Llei Xeneral de Subvenciones y certificaos de tar al corriente de les sos obligaciones tributaries y cola Seguridá Social. Ensin perxiciu de lo anterior, la participación na convocatoria va comportar, quitando qu'haya manifestación espresa en contra, l'autorización a l'Alministración del Principáu d'Asturies pa recabar la documentación arriba referenciada, d'alcuertu colo previsto nel artículu 28 de la Llei 39/2015, de 2 d'ochobre, del Procedimientu Alministrativu Común de les Alministraciones Públiques. Igualmente quien resulten ganadores de caún de los premios lliterarios convocaos van recibir como galardón un troféu que-y van entregar na ceremonia d'entrega de los premios convocaos pola Dirección Xeneral de Política Llingüística. Amás, el Gobiernu del Principáu d'Asturias ha velar pola promoción y difusión de les obres ganadores nos medios de comunicación y nos eventos organizaos o promovíos pol propiu Gobiernu.

Sesto.- D'alcuertu a la base VII de les bases reguladores aprobaes por Resolución de 5 de marzu del 2009 (BOPA de 27 de marzu del 2009) de la Conseyería de Cultura y Turismu, modificaes por Resolución de 23 de xunetu del 2015 (BOPA de 30 de xunetu del 2015), la persona galardonada col premiu «Alfonso Iglesias» de Cómic va tener, como fecha final pa la entrega del proyectu ganador termináu, el 2 d'avientu de 2022.

Séptimo.- D'alcuertu a la base VIII de les bases reguladores aprobaes por Resolución de 5 de marzu del 2009 (BOPA de 27 de marzu del 2009) de la Conseyería de Cultura y Turismu, modificaes por Resolución de 23 de xunetu del 2015 (BOPA de 30 de xunetu del 2015), la Conseyería de Cultura, Política Llingüística y Turismu resérvase'l derechu de

GOBIERNU DEL PRINCIPÁU D'ASTURIES

CONSEYERÍA DE CULTURA, POLÍTICA LINGÜÍSTICA Y TURISMU

publicar n'esclusiva la primer edición de les obres premiaes, dando por retribuyíos col premiu los derechos d'autor d'esta primer edición.

Igualmente toles reediciones y traducciones que se fagan de les obres ganadores han facer constar que fueron ganadores del premiu lliterariu correspondiente otorgáu pol gobiernu del Principáu d'Asturies.

Octavo.- El Serviciu de Planificación y Conocimientu de la Llingua Asturiana, dependiente de la Dirección Xeneral de Política Llingüística de la Consejería de Cultura, Política Llingüística y Turismu, va adoptar toles midíes necesaries pal desenvolvimientu de les bases y d'esta convocatoria, llevando a cabu la ordenación y instrucción del procedimientu. La consejera de Cultura, Política Llingüística y Turismu ha dictar la resolución de concesión, que va publicase nel *Boletín Oficial del Principáu d'Asturies*, colo que se va considerar notificada conforme a lo estableció nel artículu 45 de la Llei 39/2015, de 2 d'ochobre.

Noveno.- Los trabayos que nun resulten premiaos van poder recoyelos quien presentaren la solicitú, o persona autorizada, nun plazu que nun va pasar de trés meses dende la fecha del fallu del xuráu. Pa ello, han presentar una copia del formulariu de solicitú na que conste la fecha de presentación de la mesma. Trescurrió'l plazu citáu ensin que se retiraren, la Consejería de Cultura, Política Llingüística y Turismu va poder destruyilos.

Décimo.- Disponer la publicación del extractu d'esta convocatoria nel *Boletín Oficial del Principáu d'Asturies* (BOPA), pudiendo consultase'l testu completu de la mesma na Base de Datos Nacional de Subvenciones (<http://www.pap.minhap.gob.es/bdnstrans/index>), de conformidá colo previsto nos artículos 18.2 y 20.8.a) de la Llei 38/2003, de 17 de payares, Xeneral de Subvenciones.

Esta Resolución remata la vía alministrativa y va poder recurrise potestativamente en reposición, énte la consejera de Cultura, Política Llingüística y Turismu, nel plazu d'un mes computáu dende l'otru día de publicase l'extractu d'esta resolución nel *Boletín Oficial del*

GUBIERNU DEL PRINCIPÁU D'ASTURIES

CONSEYERÍA DE CULTURA, POLÍTICA LLINGÜÍSTICA Y TURISMU

Principáu d'Asturies, o directamente impugnase énte la Sala de lo Contencioso-Administrativo del Tribunal Superior de Xusticia d'Asturies, nel plazu de dos meses contaos desde se publique la resolución, ensin perxiciu de cualquier otru recursu qu'estimen procedente interponer en defensa de los sos intereses.

